



NUNATSIAVUT
Senani jârini kajusimanik pivallianimmut
10 Years of Continued Progress

ADMINISTRATIVE HEAD OFFICE

25 Ikajuktauvik Road, PO Box 70
Nain, NL, Canada AOP 1L0
Tel: 709.922.2942
Fax: 709.922.2931

nain_reception@nunatsiavut.com

TUSAGATSAUJUK

Mertz 10, 2016

Tapvainak Tusagatsaujuk

“Nâmmasingiutaugunnatut’; katimajuKangikaluappat kongujuit atuttaugajanninginnut Muskrat Falls-imut, uKajuk Shiwak

Nunatsiavut kavamanga Kipilusimajuk KaikKujaunnimik prâvinsiup Avatiliginnimut Piulimagiatsianimmulu Ministeringanit Perry Trimper ilaugiamut katimannimut tapvani takKimi uKâlautigillugit kongujuit atuttaugajanningit Muskrat Falls pivallianimmi, malillugu Kaujisattaumajut Harvard University amma Nalcor Energy’s Human Health Risk Assessment.

“Nunatsiavut kavamangata tukisimausinga kongujuit atuttaugajanningit sulitsiatut,” uKajuk Nunatsiavut Ministeringa Nunaliginnimut Piviannatugijanginnulu, Darryl Shiwak, allalitjusiamut Minister Trimper ullumi.

Minister Trimper tunijaumajuk Kaujisautiusimajunut katitsutaumajut pingasuni jâriusimajuni Lake Melville nunamiutanginni – katitsutaumajut nalunaitsiatut “sakKesiattuk sukkuisot aingajut Lake Melville angilimigilâttut Muskrat Falls kogijanga tatattaupat,” uKajuk Minister Shiwak.

Nalcor uKasimajuk kongujuit atuttaugajangitut Lake Melville pijumik Muskrat Falls suliangujumi pititsilualuttut isumagijaujunik Lake Melville, Kanuilingausiugajangitunik ilonnâgut Lake Melville – ubvalu tukisilluni Kanuk kongujuit piKattamangâta, uKajuk Minister Shiwak.

Ikajuttigennikut Avatiligijet Kimigusimajut Nalcor isumagijanginik uKalauttut “Nalcor isumangit attuijuKagajangininganik kikiatsajannik iluani Goose Bay amma Lake Melville isumagijausimangituk,” amma “Nalcor kamallagisimangituk kikiatsajannik komut aingagajatunik.” Katimajet pikKujilauttut kongujuit KaujisattausiakKulugit atuttaugajattut sivungani tatattauKâttinagu kongujuk.

“kamagillugu suliangujuk federal amma prâvinsiup kavamagijâgik Kujanâgisimajok pikKujiusimmik,” ilagiatsijuk Minister Shiwak. “Asiagut, Harvard University kamalauttut katimajet pusiukKujanginnik taikkua Nalcor tammasimanninginnik. Kaujimajaujut amma takutsait, kamagigiasilugit attuiniugajattut Lake Melville, akigattutaugunnatut.”



NUNATSIAVUT
kavamanga Government
www.nunatsiavut.com

Harvard nigiugijaujuk sakkuigiamik tusagatsagiallanik Aprellimi attuniugajattunik kikiatsajanOnik Inunnik Muskrat Falls tatattautuappat, Minister Shiwak uKajuk. Kaujisattaumajut katitsutaumajulu Kaujisannimi ilautitsijjut ungatâni 1,500 Inuit atuKattajut Lake Melville niKitsasiupvigilllugu. katimannik Kinugautinga Minister Trimper ikajutsigajangituk Nunatsiavut kavamanganik asiangutitsinialungimat, uKajuk Minister Shiwak.

“Kaujisattiusimallutit , Minister, ilitatsigajakKutit atausituinnamik KimmigugatsaKajuk, kongujut attuigajattut Lake Melville,” uKajuk allagak pijuk Minister Shiwak-imit.

“Nunatsiavut kavamanga sukkuiniangituk Inuit inogusinginnik amma pivitsagigialinginnik,” allagak uKajuk . “Minister, pivitsaKavutit mâna kamagiamik nutâmik ikKanattumik pidjuaujumik. PikKuvatsi tugâgutiKagiamik Kaujitsiutinik atuinnaujunik amma Kaujitsiutinik sakKilâtunik Aprellimi. PivitsaKavuk sulli imailingagiamik *Make Muskrat Right*, malillugu Kaujisautiusimajut, tigusigiamik pitsâtâlaigekkutinnik, amma piusiujunik kajusititsigiamut. ”

Kaujisapviugunnatuk:

Bert Pomeroy
Director of Communications
(709) 896-8582